

Broj: 03-37-6204-1/19  
Sarajevo, 30.10.2019.godine

**BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE BOSNE I HERCEGOVINE  
DOM NARODA  
N/r sekretara, mr.sci. Izmira Hadžiavdića**

**PREDMET:** Odgovor na poslaničko pitanje- dostavlja se

Poštovani,

U prilogu Vam dostavljamo odgovor na poslaničko pitanje poslanice u Domu naroda Parlamenta FBiH g-dje Vesne Saradžić, postavljeno na 3.sjednici Doma naroda Parlamenta Federacije BiH, održanoj 04.10.2019.godine.

**MINISTAR**

**Doc. dr Vjekoslav Mandić**



Bosna I Hercegovina  
Federacija Bosne I Hercegovine  
**PARLAMENT FEDERACIJE**  
SARAJEVO

**PRILOG:**  
-Kao u tekstu

**DOSTAVLJENO:**  
- Naslovu;  
- Evidenciji;  
- Arhivi

Primljeno: 04-12-2019			
Org. jed.	Br. o	Priloge	Vrijednost
05/2	- 02 -	18	19

BOSNA I HERCEGOVINA  
FEDERACIJA BOSNE I HERCEGOVINE  
FEDERALNO MINISTARSTVO ZDRAVSTVA

BOSNIA AND HERZEGOVINA  
FEDERATION OF BOSNIA AND HERZEGOVINA  
FEDERAL MINISTRY OF HEALTH

---

**O D G O V O R**  
**NA POSLANIČKO PITANJE VESNE SARADŽIĆ**  
**POSLANICE U**  
**DOMU NARODA FPARLAMENTA FEDERACIJE BOSNE I HERCEGOVINE**

**Sarajevo, oktobar 2019. godine**

VESNA SARADŽIĆ, poslanica u Domu naroda Parlamenta Federacije Bosne i Hercegovine, je na 3.redovnoj sjednici Doma naroda Federacije BiH, održanoj 04.10.2019. godine, postavila sljedeće poslaničko pitanje;

**"Da li je zakonom regulisano i precizirano da se djeca koja nisu redovno vakcinisana ne mogu upisati u predškolske ustanove, osnovne i srednje škole fakultete i kolektivne smještaje? Ako jeste koji je to zakon? Zahvaljujem"**

**Molim Federalno ministarstvo zdravstva da Domu naroda Parlamenta Federacije Bosne i Hercegovine dostavi odgovore na ova poslanička pitanja".**

Na postavljeno poslaničko pitanje Federalno ministarstvo zdravstva daje sljedeći

#### **O D G O V O R**

Imunizacija predstavlja posebnu mjeru za sprječavanje i suzbijanje zaraznih bolesti, reguliranu Zakonom o zaštiti stanovništva od zaraznih bolesti („Službene novine Federacije BiH“, br.29/05) (u daljem tekstu: Zakon), Pravilnikom o načinu provođenja obvezne imunizacije, imunoprofilakse i kemoprofilakse protiv zaraznih bolesti, te o osobama koje se podvrgavaju toj obvezi („Službene novine Federacije BiH“, br.22/19) i Naredbom o programu obveznih imunizacija pučanstva protiv zaraznih bolesti u 2019. godini („Službene novine Federacije BiH“, br. 26/19).

Prema članu 60. Pravilnika, a u vezi sa Poglavljem 3.Zakona, provjera vakcinalnog statusa obavezno se obavlja:

- a) prilikom upisa u sve vrste predškolskih ustanova;
- b) prilikom upisa u sve vrste škola, od osnovnih do visokih;
- c) prije izvođenja imunizacije po epidemiološkim indikacijama;
- d) prilikom prijema djece i mladih na bolničko liječenje;
- e) prilikom prijema u radni odnos;
- f) prilikom svake posjete liječniku (novorođenčadi, male djece, predškolske i školske djece i mladih);
- g) prilikom prijema djece u đačke i studentske domove;
- h) prilikom prijema osoba u kolektivne smještaje.

Zdravstvena ustanova koja obavlja imunizaciju dužna je napraviti godišnji plan imunizacije i dostaviti ga nadležnom kantonalmu zavodu za javno zdravstvo a ovaj Federalnom zavodu najkasnije do 1.februara za tekuću godinu. Zdravstvene ustanove koje obavljaju obaveznu imunizaciju obavezne su dostaviti mjesecne izvještaje o izvršenim imunizacijama i potrošnji vakcina nadležnom kantonalmu zavodu za javno zdravstvo i to najkasnije do 10. u mjesecu za prethodni mjesec, a godišnje izvještaje najkasnije do 1. februara za proteklu kalendarsku godinu. Nadležni kantonalni zavod za javno zdravstvo sastavlja zbirni mjesecni izvještaj o provedenoj vakcinaciji i potrošnji vakcina na svom području, i dostavlja ga Federalnom zavodu i to najkasnije do 20. u mjesecu, za prethodni mjesec, a godišnji izvještaj dostavlja najkasnije do 15. marta za

proteklu kalendarsku godinu. Obrasci "Izvještaj o obaveznim imunizacijama protiv zaraznih bolesti ", "Izvještaj o potrošnji vakcina" i „Godišnji izvještaj o provedenim imunizacijama po općinama" sastavni su dio ovoga Pravilnika.

U skladu sa članom 70. Zakona, za neobavljanje obvezene imunizacije predviđena je novčana kazna za fizičko lice u iznosu od 100 do 2000 KM.

Stoga možemo zaključiti, da je postojećim propisima definirana provjera vakcinalnog statusa prilikom upisa djece u predškolske ustanove, osnovne, srednje škole, fakultete i kolektivne smještaje, ali da ne postoji zakonska regulativa koja determinira zabranu upisa djece u ove ustanove bez obzira na vakcinalni status.